



ACEB

ARCHIV CULTURAL
ENGIADINA BASSA

Protocol da la radunanza generala dals 12 avrigl 2019 a las 17.00 a Strada / S-chadatsch

I sun preschaintas 30 personas.

1. Bainvgnü

Il president Jon Duri Tratschin driva la radunanza generala e salüda specialmaing ad Armon Kirchen sco rapreschantant dal Cumün da Valsot, Jachen Erni sco referent ed Annatina Filli per la pressa. L'invid ed il rapport annual sun gnüds protramiss a temp, il protocol da la radunanza dals 13 avrigl 2018, il quint annual 2018, il rapport da revisiun ed il budschè 2019 as rechattan sülla pagina d'internet.

Sco scrutinadur vain elet Armon Kirchen.

La glista da tractandas vain agiunta cul punct 4 „Fundaziun Archiv cultural Engiadina Bassa“

> La glista da tractandas vain fatta buna unanimamaing

Diversas personas s'han s-chüsadas:

Jon Domenic Parolin, Nicolo Gaudenz, Coni Willy, Duri Gaudenz, Men e Madlaina Gisep-Schaniel, Luis Cagienard, Carolina Bearth, Cla Sarott, Duri Janett, Corsin Feuerstein, Angelo Andina, Christian Fanzun, Philipp Gunzinger.

2. Protocol

Il protocol da la radunanza generala dals 13 avrigl 2018 es gnü publichà sülla pagina d'internet e nu vain prelet.

> Il protocol vain approvà unanimamaing.

3. Rapport annual 2018

Il rapport annual dal president es gnü protramiss als commembers.

Ils temas manzunats sun:

- Commembers 159 (122 personas singuals, 25 famiglias e conjugals, 12 personas giuridicas), vuol dir: 20 daplü co avant ün on.
 - Localitats per l'archiv
 - Fundaziun ACEB
 - Occurenzas
 - Publicaziuns
 - Lavurs dals archivars: 993 uras.
- > Il rapport annual vain acceptà unanimamaing

4. Fundaziun Archiv Cultural Engiadina Bassa

- Böt da la fundaziun:
cumprar e mantegner la chasa a S-chadatsch
metter a disposiziun la chasa a la società ACEB per manar l'archiv
- fundatur: nossa società ACEB
- cussagl da fundaziun 3-5 personas
i's mettan a disposiziun: Jon Carl Rauch sco president, Philipp Gunzinger, Jon Peider Strimer, Jon Duri Tratschin sco rapreschantant da la società ACEB

- dedicaziun chapital inicial: Fr. 5'000.00
il cumün da Valsot spordscha il chapital inicial – grazcha fich.
In avegnir vain sustgnüda la fundaziun cun fr. 3'000.00 minch'on davart dal cumün.

Il predsch stipulà fingià plü bod dal cumün da Valsot per cumprar la chasa S-chadatsch es fr. 100'000.00.

La radunanza decida da prinzipli per inchaminar quista via. I resta da sclerir juridicamaing, scha la radunanza da la società ACEB sto decider amo üna vouta in preschentscha d'ün notar davart ils statüts e detagls da la fundaziun. In quel cas füssa pussibel da far üna radunanza generala extraordinaria d'ürant il 2019.

Jon Carl Rauch es pront da surtour il presidi da la „Fundaziun ACEB“ ed explicha sia motivaziun. El chatta chi saja bun scha l'archiv cultural resta a S-chadatsch. Chi nu vegna tuot centralisà aint i'ls cumüns gronds da la regiun es nempe eir stat ün giavüschi da la populaziun cur chi's ha decis davart las fusiuns in Engiadina Bassa.

> La radunanza decida unanimamaing da fundar la „Fundaziun Archiv cultural Engiadina Bassa
„ e da far bun ils böts surnomnats

5. Quint annual 2018

Il rendaquint es gnü publichà sülla pagina d'internet.

Il chaschier Josef Jenal preschainta ils detagls dal quint annual 2018.

No ingrazchain a la regiun pel sustegn annual da fr. 20'000.00 ed al chantun pel sustegn da fr. 10'000.00.

Il quint serra cun ün **guadogn da 4'411.62 fr.** pro entradas da 37'063.01 fr. e sortidas da 32'651.39 fr. La facultà da la società importa per 31. december 2018 fr. 30'781.62

> La radunanza accepta il quint annual 2018 sainza cuntravusch.

6. Rapport da revisiun

Ils revisurs Coni Willy e Duri Valentin as laschan s-chüsar.

Jon Duri prelegia il rapport da revisiun dal rendaquint dal ACEB

> La radunanza accepta il rapport da revisiun e da dis-charg a la suprastanza.

6. Preventiv e contribuziuns annualas 2019

Il preventiv es gnü publichà sülla pagina d'internet.

Jon Duri Tratschin preschainta il preventiv pel 2019.

Daspö l'on 2018 survgnina l'import da fr. 10'000.00 davart dal chantun (fin qua fr. 5'000.-).

Actualmaing ha il cumün impromiss l'import da fr. 5'000.00 per fundar la fundaziun ACEB.

La suprastanza ha previss da refar la porta d'entrada principala a S-chadatsch.

Il preventiv prevezza üna perdita da **fr. 4'100.00** pro entradas da fr. 42'000.00 e sortidas da fr. 46'100.00.

La suprastanza fa la proposta da laschar las contribuziuns annualas per commembers sco fin qua:

30.- fr.	persunas singulas
50.- fr.	famiglias & conjugals
100.- fr.	persunas juridicas dal dret privat o public

> La radunanza accepta il preventiv e las contribuziuns annualas sainza cuntravusch.

7. Tscherna da la suprastanza e dals revisurs da quint

Josef Jenal da giò sia carica sco commember da la suprastanza.

Jon Duri ingrazcha fich a Josef per tuot sia buna lavur prestada per la società e surdà ün pitschen regal.

Suprastanza

fin qua Curdin Brunold

Marisa Feuerstein

Peder Rauch

Jon Duri Tratschin (president)

nov Beat Hoffmann

Revisurs da quint

fin qua Duri Valentin

nov Duri Janett (per Coni Willy)

> la suprastanza ed ils revisurs vegnan elets cun ün applaus

8. Varia

Il president renda attent cha la documainta chi'd es gnüda surdatta al archiv d'ürant il 2018 saja publichada in üna glista sülla pagina d'internet. El infuormescha eir cha l'ACEB ha cummanzà d'incuort a publicar fotografias our da l'archiv sülla pagina d'internet www.nossaistorgia.ch. Cun quai dess gnir svaglià l'interess per nos archiv pro la populaziun.

Jon Duri ingrazcha als preschaints per lur interess ed als archivars sco eir a las personas da contact aint ils cumüns per lur ingaschamaint a favur da nossa società.

Ingün nu piglia il pled otramaing uschè cha Jon Duri Tratschin ingrazcha fich per l'attenziun e serra la radunanza a las 17.50h.

Referat

Jachen Erni preschainta il referat

„ La musica populara da l'Engiadina“

Jon Duri ingrazcha a Jachen Erni pel referat fich interessant ed invida da tour part a l'aperitiv.

Marisa Feuerstein

actuara

12.4.2018